



UNIVERSITÄTS-
BIBLIOTHEK
PADERBORN

**Enchiridion Piarvm Meditationvm In Omnes Dominicas,
Sanctorvm Festa, Christi passionem, & cætera**

Busaeus, Johannes

Mogvntiæ, M. DCVI.

2. De eadem ex parte Christi.

[urn:nbn:de:hbz:466:1-70978](https://nbn-resolving.org/urn:nbn:de:hbz:466:1-70978)

MEDITATIO II.

De gravitate peccatorum, ex parte Christi pro peccatis mortui.

CONSIDERA tantam esse peccatorum nostrorum gravitatem, ut filium Dei de caelis in hanc terram traxerit, & ad carnem humanam assumendam in qua pro iis expiandis pati posset commoverit. Nam cum malitia peccati lethalis sit infinita, utpote contra bonitatem Dei infinitam, non potuit nisi satisfactione infinita delicti. Unde vel infinita poena toleranda erat, quae in creaturam finitam convenire nequit, vel tempore infinito, sicut luunt damnati in inferno, vel infinitae dignitatis persona substituenda, quae actione aliqua infiniti meriti Deo satisfaceret; cuiusmodi fuit persona Christi, qui hoc negotium ex incredibili suo amore erga salutem nostram suscepit. 2. Considera inde consequi, sicut peccatorum sua peccata in inferno sedem parant, & sicut furi parant sua furta supplicium, sic peccata cuiusque nostrum Christo humanam carnem assumendi, & moriendi necessitatem attulisse.

CONSIDERA Christum, ut peccatorum nostrorum, quae in humeros suos suscepit,

Ff cepit,

cepit, grauitas magis eluceret, non solum vitam duxisse laboribus & afflictionibus plenissimam, sed etiã mortem sustinuisse omnium acerbissimam contumeliosissimamque, quo nõ solum infinitatem culpe, infinita satisfactione, (quod fieri poterat vna gutta sanguinis, vno gemitu, vna oratione, vno actu caritatis) plenè expiaret, sed etiam absolutissimo iustitiæ modo, id est, atrocissimo cruciatu & pena expiaret.

3. **CONSIDERA**, non inde magnitudinem peccati extenuari, quod non pro tantis solius, sed totius mundi peccatis Christus tam atrocia passus sit, sed potius declarati passionis virtutem. Vt enim si Solis huius clarissimi solus lucem & calorem percipias, nõ magis tibi soli ille lucebit, quam si eius splendore & ardore cū ceteris mortalibus perfruaris: vtque non minus hominem occidas, si solus eum gladio confodias, quam si decem alios ad eadem faciendam tibi adiungas, sic vnum peccatum mortale tuum, ad quod expiandum necessaria erat passio filii Dei, non est minus causa passionis Domini, quam si eum reliquis peccatis totius mundi cogitetur coniunctum. Nec minus utilitatis nobis

adfert

adfert passio Christi pro totius mundi peccatis suscepta, quam si pro te solo eandem suscepisset.

MEDITATIO III.

De gravitate peccatorum ex parte demonum, quia eis maxime placent.

CONSIDERA, inde quoque cognosce peccati, maximè mortalis sceleritatem, & ideo magnopere esse fugiendum, quod nihil æquè exhilaret antiquum nostrum hostem diabolum: quod ex tribus signis colligitur. Primum est, quia in tota rerum natura non aurum, non argentum, non lapides pretiosos, non cibi potusve lautitias querit, sed tantum animas, quemadmodum in Genesi adumbratur, ubi dicit rex Sodomorum in persona diaboli. *Da mihi animas, cetera tolle tibi.* Ita enim B. Gregorius exponit. Animas autem capere non potest, nisi laqueo peccati lethalis. Quam autem anima semel esca peccati capta exhilaret dæmonem, B. Anselmus declarat exemplo pueri, qui filo alligatam auiculam manu retinet & si quando laxato fune longius auolare eam permittat, tamè illico eum magno gaudio & risu retrahit.

ff s CON-